



DIPLOCAE

Dialòg internacionau
Connectam. Projectam. Abilitam.





Qui em?

DIPLOCAT ei un consòrci publico-privat qu'a era tòca de connectar Catalonha en encastre internacionau e facilitar er escambi de persones, idies e projèctes. DIPLOCAT (2012) ei eretèr deth Patronat Catalonha Mon (2007) e anteriorament deth Patronat Català Pro Euròpa (1982), ua entitat pionèra enes relacions catalanes damb era UE.

Eth consòrci de DIPLOCAT ei integrat per 38 membres. Aguesta ampla composicion, diuèrsa e plurau, convertís DIPLOCAT en er estrument d'acompanhament adaptat de toti aqueri actors dera societat civiu de Catalonha qu'an vocacion de participar enes grani debats internacionaus. Aguesti actors hèn apòrt dera sua expertesa e es sòn coneishements entà bastir ua societat mès justa, pacifica, democratica e sostenible.



Com mos organizam?

Era pluralitat dera institucion a sòn rebat ena participacion de representants des diuèrsi membres enes organs de govèrn e de gestion de DIPLOCAT.

» Plen

Organ de govèrn superior.

» Comitè Executiu

Organ permanent d'administracion, gestion e prepausa.

» Secretaria Generau

Responsabla d'executar es decisions d'ambdús organs e de dar pos e dirigir era activitat dera institucion.

D'un autre costat, e en tot mantier era vocacion de transversalitat, DIPLOCAT compde damb un **Conselh Consultatiu** compausat per persones de reconeishut prestigi internacionau en diuèrsi encastres.



Qué hem?

DIPLOCAT promò era connexion entre institucions e es actors publics e privadi deth país damb eth public estrangèr entà difóner es idies, era cultura, es actius e es valors, en tot crear un dialòg continu damb eth rèste deth mon, damb era tòca de crear oportunitats, establir connexions e enfortir era confiança mutuau.

Catalonha, coma actor subestatau, deu jugar un ròtle considerable en encastre globau. En plea èra numerica, es govèrns non estataus, es empreses, es universitats, es ciutats e entitats locals, es moviments socials e era pròpria ciutadanetat an cada viatge un ròtle més destacat ena governança globau d'un mon interconnectat. Toti an possibilitat de connectar damb auti ciutadans de pertot deth mon. DIPLOCAT trabalhe entà facilitar e promòir aguestes connexions. En aguest sens, acompanhe toti es actors dera societat catalana que volgatz èster presentes en l'encastre internacionau e



les ajude a arténher es sòns objectius, en tot crear, cada còp que sigue possible, espacis de colaboracion e associacion entre eri.

Es activitats de DIPLOCAT includissen dempús d'escambis de bones practiques enquia iniciatius de projeccion digitau, debats academics, jornades e seminaris, programes de visitaires o contactes damb era premsa. Ath delà, DIPLOCAT trabalhe entà reforçar es capacitats en relacions internacionaus des ciutadans, des entitats e des administracions de Catalonha, en tot autrejear borses e en tot organizar còrs de formacion, ath madeish temps que les encoratge a èster actius enes principaus iniciatius de governança globau.



Connectar

Escotar e èster escotadi

Ua part clau dera projeccion internacionau, se non era mès importanta de totes, ei era capacitat d'escotar ath public ath quau se vò hèr apòrt d'ua vision deth mon. Fòrça viatges, e coma resultat d'escotar, cau adaptar era manèra de relacionar-se damb eth mon entà arribar ath maximau d'actors influents. Catalonha deu cercar reconeishment en tot aportar valor ahijuda a problèmes compartidi e generar damb auti actors internacionaus un relat e ua estrategia comuna entà afrontar escomeses supranacionaus. Açò permeterà a Catalonha plaçar-se en prumèra linha e èster escotada en un mon globau.

Catalonha deu identificar a on pot exportar coneishment e experiéncia, enes encastres enes quaus ei o vò èster lidèr, o aprèner d'auti modèls de succès entà èster mès competitiva en aqueri que non ac ei.

» Escotam qué ditz era opinion publica internacionau a prepaus de Catalonha e quini son es subjèctes que mès preocupen globaument entà generar posteriorament un dialòg constructiu.

» Incentivam er estudi e era analisi de modèls de bones practiques en exterior, ath madeish temps que promoiguem eth coneishment internacionau des sectors mès pionèrs del país.

» Posicionam Catalonha en debats globaus e facilitam que es entitats e era societat civiu deth país i poguen préner part e hèr-i apòrts.





Projectar Posicionar Catalunya en mon

Cau tier en compde qu'era generacion d'ua imatge publica e un corrent d'opinion positius en estrangèr incidís dirèctament en multiples nivèus, a compdar dera captacion d'entrepreses e investiments enquias escambis d'estudiants universitaris, en tot passar pera aumentacion deth torisme o era atraccion de grani eveniments culturaus e esportius.


Ua des tòques de DIPLOCAT ei projectar ath mon es valors, es persones e es institucions de Catalunya, en tot crear ligams e relacions de confiança damb era ciutadanetat e es institucions d'alti paísis. Laguens d'un mon globalizat coma aguest, era combinacion de cambiaments tecnologicis e era aparicion des hilats socials ei ua oportunitat ahijuda entara comunicacion entre ciutadans, agents socials e politics. Aué en dia, era informacion se mò e arribe pertot, sense practicamente limits ne frontères.

» Acompanham es entitats que vòlen èster presentes ena scèna internacionau e les ajudam a trobar espacis de colaboracion entre eres, per mejan dera organizacion d'activitats conjuntas en diferenti encastres.

» Facilitam eth coneishement dirècte e de prumèra man des valors e actius de Catalunya demest aqueri que i mòstren interès o son susceptibles de transmèter-les ath sòn cercle d'influència.

» Velham entà qu'era imatge de Catalunya que transmeten es mejans estrangèrs sigue tan curosa coma sigue possible e auem contacte permanent damb correspondents e jornalistes internacionaus.





Abilitar

Fomentar era formacion e era coneishença

Era projeccion internacionau de Catalonha ei eth prètzhèt de toti e entà hèc corrèctament cau formar e capacitar tant eth personau des administracions publicas catalanes coma era societat civiu en sòn conjunt.

Multiplas actors an entrat en jòc en scenari internacionau: es govèrns subestataus, es clubs esportius, es universitats, es sindicats, es ajuntaments, es entitats culturaus, es empreses, entre d'alti, son es protagonistes reaus, ath delà deth mon politic, dera projeccion internacionau d'un país. Cau fomentar era formacion en relacions internacionaus dera societat catalana entà sensibilizar e millhorar era sua capacitat d'internacionalizacion.

» Afrissem programes d'ajudes e borses adreçades ara societat civiu damb era tòca de millhorar era sua formacion e dotar-la d'ua major capacitation entà contribuir ara internacionalizacion deth país.

» Organizam corsi de formacion en tematiques d'especial interès damb era tòca de millhorar era capacitation des entitats membres deth consòrci en tant qu'actors dera projeccion exteriora de Catalonha.

» Fomentam era formacion e eth coneishement des hilats socials coma estrument principau dera internacionalizacion, damb era idia d'aumentar-ne er usatge per part dera societat civiu e des entitats membres deth consòrci.





Qui ne hè part?

» Institucions publiques e organismes municipalistes

- Generalitat de Catalonha
- Ajuntament de Barcelona
- Ajuntament de Tarragona
- Ajuntament de Girona
- Ajuntament de Lhèida
- Ajuntament de Vielha e Mijaran
- Deputacion de Barcelona
- Deputacion de Tarragona
- Deputacion de Girona
- Deputacion de Lhèida
- Conselh Generau d'Aran
- Associacion Catalana de Municipis e Comarques (ACM)
- Federacion de Municipis de Catalonha (FMC)

» Organizacions deth sector empresariu

- Conselh Generau des Crambes Oficiaus de Comèrç, Indústria e Navegacion de Catalonha
- Foment deth Trabalh Nacionau
- Micro, petita e mejana empresa de Catalonha (PIMEC)
- Confederacion de Cooperatives de Catalonha
- Associacion Multisectorial d'Enterpreses (AMEC)
- Fondacion Privada d'Empresaris (FemCAT)

» Organizacions deth sector social, sindicau e esportiu

- Taula d'Entitats deth Tresau Sector Social de Catalonha
- Union Generau de Trabalhadors de Catalonha (UGT)
- Comissions Obrères de Catalonha (CCOO)
- FC Barcelona

» Universitats, escoles de negòcis e centres academics

- Universitat de Barcelona (UB)
- Universitat Autònoma de Barcelona (UAB)
- Universitat Politècnica de Catalonha (UPC)
- Universitat Pompeu Fabra (UPF)
- Universitat de Lhèida (UdL)
- Universitat de Girona (UdG)
- Universitat Rovira i Virgili (URV)
- Universitat Ramon Llull (URL)
- Universitat Dubèrta de Catalonha (UOC)
- Universitat de Vic - Universitat Centrau de Catalonha (UVic-UCC)
- Universitat Internacionau de Catalonha (UIC)
- Universitat Abat Oliba CEU (UAO CEU)
- Institut Barcelona d'Estudis Internacionaus (IBEI)
- EADA Business School
- Barcelona School of Economics (BSE)



A prepaus de Catalonha

Catalonha, territòri mediterraneu, ei ua crutzada de cultures e influéncias. A eth catalan coma lengua pròpria, que conviu en armonia damb eth castelhan e er aranés, e en dia a dia tanben i ressonen centenats d'alti idiòmes. De caractèr innovador e cosmopolita, ei ua tèrra dubèrta e d'acuelhuda, acostumada ath long dera istòria a recèber granes ondades migratòries e, mès recentament, milions de toristes (14,8M eth 2022).

Damb Barcelona coma capitu e ciutat cabecièra de referéncia mondíu, Catalonha se consolide coma airau industriu e de servicis, e ei un des grani motors economic, scientific e tecnologic deth sud d'Euròpa. Segons eth classament der fDi Magazine (Financial Times) de Hereuèr de 2023, Catalonha se tròbe entre es regions cabecièras en estrategia de captacion d'inversions ena conjunta d'Euròpa, mercés ath potenciau economic, er estil de vida, era rendabilitat, era connectivitat e er ecosistèma de creishement de negocis.



» **Airau:** 32.107 km²

Soïssa

Catalonha

Belgica



» **PIB (2021):** 244.172 milions d'EUR

Finlàndia

Catalonha

Romania



» **Poblacion:** 8 milions

Soïssa

Catalonha

Danemarc



» **Lengua:** 10 milions de parlants actius

Grèc

Catalan

Ebrèu

